

ADRODDIAD I'R CABINET
15 Gorffennaf 2014

Aelod Cabinet: Y Cyngorydd R. H. Wyn Williams

Pwnc: Trefniadau Rhanbarthol a Lleol i Ddiogelu Plant ac Oedolion

Swyddog cyswllt: Marian Parry Hughes

Y penderfyniad a geisir

I ofyn i'r aelodau gytuno ar y strwythur arfaethedig ar gyfer y Bwrdd Cymunedau Diogel sydd i'w alw'n Fwrdd Diogelu Plant Gogledd Cymru.

Barn yr aelod lleol

Dim yn berthnasol

Cyflwyniad

Mae Byrddau Lleol Diogelu Plant yn bartneriaethau statudol. Mae bwriad y Byrddau Lleol Diogelu Plant i gydlynu a sicrhau effeithiolrwydd gweithgareddau diogelu'r partneriaid wedi'i ymgorffori yn Neddf Plant 2004. Mae Rheoliadau yn ehangu ar swyddogaethau BLIDP ac yn nodi aelodaeth y Bwrdd.

Mae tri Bwrdd Diogelu Plant isranbarthol wedi'u sefydlu ers peth amser yng Ngogledd Cymru: BLIDP Gwynedd a Môn, BLIDP Conwy a Sir Ddinbych a BLIDP Sir y Fflint a Wrecsam. Yn ychwanegol, mae Grŵp Polisiâu a Gweithdrefnau rhanbarthol wedi bod yn cynhyrchu polisiâu i ogledd Cymru am dros 10 mlynedd. Yn dilyn cyhoeddiadau gan Lywodraeth Cymru yn yr hydref, 2011, mae'r tri BLIDP isranbarthol wedi cymryd camau i hyrwyddo mwy o integreiddiad a chydweithrediad ac i symud tuag at strwythur rhanbarthol o flaen y Ddeddf Gwasanaethau Cymdeithasol a Llesiant.

Bydd Deddf Gwasanaethau Cymdeithasol a Llesiant yn ei gwneud yn ofynnol i asiantaethau sefydlu byrddau diogelu rhanbarthol. Diffinnir y

rhanbarthau yn unol ag ôl troed y Bwrdd Iechyd Lleol. Gogledd Cymru yw'r rhanbarth sydd wedi'i diffinio i'n hardal ni.

Bu system ddwy-haen o Fyrddau Diogelu mewn bodolaeth yng ngogledd Cymru ers dechrau 2013. Sefydlwyd bwrdd rhanbarthol ond roedd y swyddogaethau statudol yn parhau yn nwylo'r tri Bwrdd Lleol Diogelu Plant isranbarthol. Cafodd y system ddwy-haen lwyddiannau ond bu hefyd densiynau.

Mabwysiadwyd dull rhanbarthol gan y rhan fwyaf o ranbarthau eraill yng Nghymru er bod llawer wedi symud tuag at fyrddau rhanbarthol yn gyfan gwbl ac wedi rhoi'r gorau i gynnal byrddau lleol. Cafodd y model dwy-haen a'r model rhanbarthol llawn eu gwerthuso gan Brifysgol Sheffield ac mae adroddiad manwl ar cais.

Mewn ymateb i'r gwersi a ddysgwyd o weithredu'r system ddwy-haen, erbyn hyn bwriedir sefydlu strwythur sy'n cadw presenoldeb lleol cryf tra hefyd yn datrys y tensiynau rhwng y byrddau rhanbarthol a'r byrddau lleol. Y bwriad yw y bydd y swyddogaethau statudol yn aros gyda Bwrdd Diogelu Plant Gogledd Cymru (BDPGC) ac y bydd grwpiau isranbarthol yn sicrhau bod ymarfer lleol yn diwallu'r angen lleol.

Goblygiadau O Ran Adnoddau

Bydd symud tuag at ddull gweithredu rhanbarthol yn gwneud defnydd mwy effeithiol o amser staff ac adnoddau.

Risgiau A Chyswllt Â'r Gofrestr Risg Gorfforaethol

Yn amlwg, mae'r risg y byddwn yn methu â diogelu plant yn greiddiol ac fe'i nodir yn y gofrestr risg gorfforaethol a'r gofrestr risg gwasanaeth. Mae'n hanfodol ein bod yn chwilio am ddatrysiadau sy'n sicrhau ein bod yn darparu'r gwasanaethau diogelu mwyaf diogel ac addas i blant a theuluoedd yr awdurdod. Bydd yn rhaid i ni gydnabod cryfder y rhaglen ranbarthol yn enwedig gweithio ochr yn ochr â'n partneriaid rhanbarthol megis yr Heddlu ac Iechyd, sydd hefyd a chyfrifoldebau clir i amddiffyn a diogelu plant.

Gyrwyr A Goblygiadau

Mae diogelu plant yn cefnogi cynllun blaenoriaeth corfforaethol Gwynedd 'Bydd Pobl Fregus yn cael eu hamddiffyn a byddant yn gallu byw mor annibynnol â phosib' a Deiliant 7 o'r Cynllun Mawr 'Cadw Pobl yn Ddiogel'.

Mae Bwrdd Lleol Diogelu Plant yn ofyn statudol ac yn cyfrannu tuag at gyflwyno chyfrifoldebau'r Cyngor tuag at blant bregus.

Ymgynghoriad

Cyflwynwyd yr adroddiad amgaaedig i Fwrdd Arweinyddiaeth Rhanbarthol Gogledd Cymru ar 25 Ebrill. Mae'r bwrdd yn gefnogol i'r dull gweithredu.

Mae'r adroddiad amgaaedig yn ehangu ar y crynodeb hwn.

Rhesymau dros argymell y penderfyniad

Er mwyn sicrhau bod y Cyngor wedi paratoi'n dda er mwyn cefnogi'r gofyn yn y Ddeddf Gwasanaethau Cymdeithasol a Llesiant a hefyd er mwyn datblygu'r datrysiad gorau i ogledd Cymru yn seiliedig ar dystiolaeth o'r hyn sy'n gweithio.

Ystyriaethau perthnasol

Cytuno ar strwythur y BDP rhanbarthol a elwir yn Fwrdd Diogelu Plant Gogledd Cymru, fel y dengys Diagram 2 o'r adroddiad amgaaedig a bydd hyn yn weithredol cyn gynted â phosib.

Camau nesaf ac amserlen

Barn y swyddogion statudol

Y Prif Weithredwr:

Mae'r maes diogelu plant ac oedolion yn amlwg yn un eithriadol o bwysig ac mae angen sicwydd ar y Cyngor bod y trefniadau rhanbarthol a lleol yn gwneud pob dim posib i sicrhau diogelwch tra'n gwneud y defnydd gorau o adnoddau. Mae'r cynigion sydd gerbron wedi bod yn destun trafodaethau eang iawn ac fe'u cyflwynir i'r Cabinet ar y sail bod hynny oll yn ei le.

Y Swyddog Monitro:

Ychwanegir unrhyw sylwadau yn y cyfrafod.

Y Pennaeth Cyllid:

Mae'r Pennaeth Adran Plant wedi cadarnhau na fydd unrhyw gostau un tro (e.e. diswyddiadau) ynghlwm â'r penderfyniad gerbron (cytuno ar strwythur

Bwrdd Diogelu Plant Gogledd Cymru). Ymhellach, ar hyn o bryd, nid yw'n rhagweld y bydd unrhyw ymrwymadau ariannol parhaol ychwanegol ychwaith. Nodaf o'r adroddiad bydd "dull gweithredu rhanbarthol yn gwneud defnydd mwy effeithiol o amser staff ac adnoddau". Os gellid crisialu unrhyw arbediad, yna byddai'n cyfrannu tuag at wireddu'r targed adrannol

Atodiadau

Papur Bwrdd Arweinyddiaeth Rhanbarthol Gogledd Cymru